



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

LX. Markgraf Ludwig der Römer bestätigt der Stadt Frankfurt die ihr für ihre Treue verliehene Befreiung von der Urbede, am 15. März 1349.

Nutzungsbedingungen

[urn:nbn:de:hbz:466:1-55756](https://nbn-resolving.org/urn:nbn:de:hbz:466:1-55756)

LX. Markgraf Ludwig der Römer bestätigt der Stadt Frankfurt die ihr für ihre Treue verliehene Befreiung von der Urbede, am 15. März 1349.

Nos Ludowicus Romanus, dei gracia Dux bauarie et Comes palatinus Reni, Vniuersis et singulis, quorum interest, pacem et gaudium sempiternum presentis seculi et futuri diligentibus pacem salutem et noticiam subscriptorum. Quia dilectissimi nostri fideles consules et ciues Vrankenuord ciuitatis meram sue fidelitatis constanciam pre ceteris tocius marchie Brandenburgensis incolis karissimo germano nostro illustri principi Ludwico, marchioni Brandenburgensi, archicamerario sacri romani imperii ac bauarie et karinthie duci, atque nobis ipsi tempore necessitatis nostre prestiterunt, seque cum suis rebus sub grauibus expensis contra Regis bohemie et Ducum Saxonie ac suorum complicum oppressiones, occasione cuiusdam inhumani figmenti de ficto quodam Woldmaro, pro conseruatione nostre veritatis ac honoris viriliter et beniuole periculis exposuerunt, Ex quorum eciam consulum et ciuium efficaci constancia multe alie ciuitates marchie Brandenburgensis et incole ipsius vestigium et exemplar fumentes in pretacti figmenti disturbio eidem nostro germano fideliter commanserunt, Nos itaque proinde propriis iustis motibus inclinati ad dictos consules, ciues et ciuitatem magna laude et honore predignos, ex certa sciencia de fidelium subscriptorum consilio, vt predignis predigna corespondeant premia, ipsis consulibus, ciuibus vniuersis et singulis dicte ciuitatis Vrankenuord, quantum nostra interest ac interesse poterit, dedimus et donauimus et presentibus literis damus et donamus perpetuam libertatem et absolucionem annue sue pensionis, que orbor vulgariter nuncupatur, et hanc perpetuam libertatem et absolucionem annue pensionis dictis consulibus, ciuibus vniuersis et singulis dicte Vrankenuord ciuitatis a prefato germano nostro Ludwico marchione Brandenburgensi datam et donatam approbauimus et ratificauimus in presencia ipsius et presentibus literis eam approbamus et ratificamus, Volentes et irreuocabiler pro nobis et heredibus ac successoribus nostris decernentes, quantum nostra interest et interesse poterit, vt huiusmodi fidelitatis constancie sit memoria sempiterna, quodammodo perpetuis temporibus iidem consules et ciues vniuersi ac singuli, presentes et posteri, priuilegio mere libertatis gaudeant et ab omni pensione annua, que, ut premititur, orbor dicitur, in qua prius germano nostro dicte Ludwico, suis heredibus ac successoribus tenebantur, sint omnino absoluti ac liberi penitus et immunes, Nec pretextu huiusmodi libertatis in extraordinariis seruiciis aut talliis plus solito aut pre aliis ciuitatibus marchie a dicto germano nostro aut heredibus et successoribus ipsius aut nostris aut officiatibus ipsius aut nostris aut ipsorum aut nostrorum debent ipsi aliquatenus magis pregrauari, ymmo multo minus et condignius alleuiari in eisdem. In cuius testimonium presentes literas Sigilli nostri appensi munimine firmiter fecimus communiri. Testes vero huius sunt illustris princeps Ludwicus, marchio Brandenburgensis, prefatus germanus noster, necnon nobilis vir guntherus Comes de Swarzburg, dominus in Spremberg, ac strenui viri vtricus de willebrand, Berengerus Hele, dicti germani nostri marschalculus, Johannes de Hausen, eiusdem germani nostre camere magister, Hartmannus mager, Wolfhardus de Satzenhofe, Egelhardus wilde, diepold hele, milites, cum ceteris pluribus fidedignis. Actum in domo pretorii dicte ciuitatis Vrankenuord et datum ibidem in ciuitate, Anno domini M^o CCC^o XL^o nono, dominica die, qua canit ecclesia Oculi mei.

Nach dem Originale des Stadtarchives VIII, 2, 8.